

影印
文淵閣

四庫全書

影印

文淵閣四庫全書

第一四四三冊

北京出版集團公司
北京出版社

本冊目次

御選宋金元明四朝詩（七）
御選明詩

清 張豫章等奉敕編……………一

欽定四庫全書

御選明詩卷三十六
集部

詳校官中書臣王鵬

主事銜臣徐以坤覆勘

總校官知縣臣楊懋珩

校對官學正臣翁樹棠

謄錄監生臣范廷驊

欽定四庫全書

御選明詩卷三十六

七言古詩一

劉基

題老翁騎牛圖

白日上悠悠竹梢霧已收晴天不易得及時當放牛人
家放牛多兒童我家無兒只老翁寒衣在機織未就原
上烈烈多高風勿言衰老筋力薄有牛可放殊不惡但

欽定四庫全書

御選明詩
卷三十六

願天公不相惱牛背閒眠飢亦好

為丘彥良題牧谿和尚千鴈圖

往時惠崇畫蘆鴈對之如在江湖遊只今此圖又精妙
中有千里瀟湘秋乃知浮屠性多巧意匠不與凡夫儔
吳松江長具區闊天目虎丘青一髮西風九月秔稻黃
朔鴈飛來翼相戛農夫苦飢鴈獨飽此意畫師應識察
近者分明辨羽毛遠者縹緲瞻秋毫或乘飄風入煙霄
或翳落日沉隍濠起如武侯布八陣集如萬舞回旌旄

眠沙臥草鳴且翔喋呷藻荇亂蓬蒿禾空穗盡却歸去
紫塞漠漠春雲高我家南山限蒼嶺鴈飛不到川路永
深林大谷蛇豕盛愁向他鄉撫虛景人言鴻鴈比弟兄
我有兄弟隔兩城題詩卷畫謝客去無使感愴傷中情
題富好禮所畜村樂園

我昔住在南山頭連山下帶清溪幽山巔出泉宜種稻
繞屋盡是良田疇家家種田恥商販有足嬾踏縣與州
西風八月淋漓盡稻穗櫛比無蝗蟲黃雞長大白鴨重

欽定四庫全書

御選明詩
卷三十六

二

瓦甃琥珀香新筍芋魁如拳栗殼赤獻罷地主還相酬
東鄰西舍迭賓主老幼合坐意綢繆山花野葉插巾帽
竹箸漆碗兼甕甌酒酣大笑雜語謔跪拜交錯禮數稠
或起頗足舞侏儒或坐拍手歌甌篋傾杯倒榼混醢醬
爛漫霑漬方未休兒童跳躍坐喧譟執遁逐走同俘囚
出門不記舍前路顛倒扶掖迷去留朝陽照屋且熟睡
官府亦簡少所求寧知晏安含酖毒耒耜一變成戈矛
高門大宅化灰燼蓬蒿瓦礫塞道周春燕營巢在林木

深山霧宿隨猿猴三年避亂客異縣側身天地如浮漚
親朋阻隔重僕散疏食飲水不自謀有時恍恍夢閭里
驚覺五內攢百憂君家畫圖稱絕妙鑒別曾遇柯丹丘
想應臨搨出祕府筆意精到世罕儔村歌社舞自真率
何用廣樂張公侯太平氣象忽在眼令我感愴涕淚流
近者鄉人來報喜今歲高下俱有秋豺狼食飽臥窟穴
軍師已運招安籌人情自古共懷土況乃霜雨淒松楸
神龜且被豫且困予所勿念天我尤積薪厝火非遠計

欽定四庫全書

御選明詩
卷三十六

三

誰能獻納陳嘉猷長江波浪接淮泗白日慘澹騰蛟蚪
天下農夫總供給隴畝不得安鉏耰市中食物貴百倍
一豕之價過于牛魚鹽菜果悉買米官幣束閣若贅瘤
朝餐僅了愁夕膳誰復有酒澆其喉循環天運往必復
邪氣暫至不遠瘳此生此景須再覩引領悵望心悠悠
為啓初門和尚題山水圖

天下名山隨處有畫圖流傳亦良久祇園道人展橫幅
觀者稱誇同一口蒼梧九疑高插天卷而懷之不盈手

巨靈驚呼盤古怒地軸塊扎昆侖剖太陽出海開杳冥
蟠冢岷峨大如斗華軒無人清晝閒恍然置我匡廬間
金輪迴出牛女上遠近羅列千雲驟江花野竹青錦斑
嵌巖斷石蛟鼉顏岡盤谷轉絕徑路但見湖水迴瓊環
白沙洲暖春風起南船掛帆北船艤吳波不盡芳草外
楚岫半入長煙裏夜深小龍行雨歸宮亭月落彭郎磯
旌陽步虛盧老和雜佩散作虹蜺飛百年塵世真夢寐
回首旌旗塞天地舊遊何處成渺茫一曲狂歌數行淚

欽定四庫全書

御選明詩
卷三十六

四

青丘弱水迷方壺武陵桃源今有無瑤臺三島消息斷
安得羽翼歸清都

為祝彥中題山水圖

高軒玲瓏不受暑半幅輕綃宿煙雨白間素壁生空明
似聞水聲繞庭宇松髯拂天藤蔓垂枯根瘦石相因依
寒濤不驚虎兕臥嵐翠欲與蛟虬飛空江悠悠一漁艇
渚白沙明萬魚靜武陵桃花何處尋落日微風片帆影

寄宋景濂

我思古人乃在仙華之山山前夜半挂河漢天津兩旗
俯可攀我欲從之阻河關初平不來白羊死瘦骨蝕盡
莓苔頑風沙蕭蕭隔人間玄霜日夕凋玉顏有鳥有鳥
丁令威側身下上空孤飛女媧石墜鰲脚折海水散作
雲霏霏山中有奇樹一華一千秋美人何不折寄我使
我歎恨長凝眸深沈洞谷山鬼集陰氣六月冰霜留嗟
哉美人誰與儔明年定約赤松子與爾羣峯頂上遊

送姚伯淵之清溪河泊所任

欽定四庫全書

御選明詩
卷三十六

五

清溪之水通秋浦石白水清魚可數鰌鱮鱗鯉魴與鱖
小魚如鉞大如杵侵晨漁艇浮空來千夫撒網雲煙回
鳴榔擊楫聲如雷水怪駭啄珠宮開課魚使者矢魚急
馮夷噓唏龍母泣琴高赤鯉縱有神何暇超騰作人立
吾觀大江之中有壯魚名曰海狶頭如豬羣行九十其
朋徒歟沫成雨倏歟盲風俱旌陽仙人上天去已久平
地波濤隨處有春淵潛鱗陟負冰時哉罔俾漁人後小
魚瑣碎賴所指大魚多膏秣自煎君不見振振鷺白如

玉沙頭見魚飢不啄一朝飛上瑤華池紫鷄黃鵠相追
隨俯視禿鶴垂六羽還共野鳥爭腐鼠

為詹同文題浙江月夜觀潮圖

君不見四時平分成歲功以秋繼夏獨不同炎官挾長
握天柄七月赤日熿玄穹蓐收抱鉞蹲白水野氣赫赫
攄潁虹陽侯喘汗河伯喝少昊上訴愁天公會須萬物
長養遂斯以仲月虛宵中此夜姮娥魄正滿命駕四蟾
驂兩賊指揮禺强出玄渚蕩滌歟煇清靈蒙河漢發源

欽定四庫全書

御選明詩
卷三十六

六

牛斗下曲江上與天津通初看一髮起溟徼如曳組練
來于東漸聞殷鱗鼉鼓發倏忽萬雷聲撼風天吳掉尾
出溟滓馬銜揚鬚招海童霓旌縹緲驚羽幃瑤臺十二
浮空濛蕊珠仙人乘玉輅騰駕鶴鵠飛氈毳長庚歛霍
揆光耀靈母扶龍噪戛銅宓妃起舞素女從瓊珮絳
雲幘幪冰綃霧縠紛颯纒霜旂雪旂高翳空鯨魚呀呿
蛟鰐道蒲牢哮吼馮夷宮瞿唐巫峽起平地濺瀕若象
鑾回溱先驅已過赤亭幃後從始發龕山谿商聲爽浙

合羣籟澤國凜凜寒欲凍先生翫月坐樓上夜氣澄寂
神和沖憑闌快觀煩暑退呼兒命酒澆喉嚨自舞自歌
歌自作月照白髮三千總歌聲迤邐林壑應竹樹戛擊
絲與桐淵魚躍波棲鳥作紫桂繞屋清香融君歌曲終
響未終我歌激烈留征鴻瞠眸相視俱老矣況有衆病
來交攻聖明天子御宇宙威惠與天相比隆首丘儻許
謝戰絆猶有古月光腫臃行當唱和三百首永與潮汐
流無窮

欽定四庫全書

御選明詩
卷三十六

七

贈杜安道

憶昔天兵伐荆楚舳艫蔽江齊萬櫓聲激烈似雷霆
猛氣魚然震獵虎拔柵皖城猶俯拾探穴九江無險阻
明年大戰康郎下日月埤圯相吞吐馮夷蹋浪羣水飛
巨鼇掉首三山舞雲隨太乙擁鋒旗鼉為豐隆作靈鼓
將軍金甲箭攢蝟戰士鐵衣汗流血火龍嬉燄絳天衢
燧象旌煙煎地府鯨鯢既翦機槍落草木熙陽魚出谷
當時從臣皆俊良近侍共推徐與杜或操陳子之刀鐔

或負伊公之鼎俎艱難出入矢石下鞠躬盡力無推阻
夙興夜寐事一人小心不貳帝臨女只令四海同車軌
葑菲罔遺遵往古瓊琚赤帝遙鵷行鞍馬祿食光門戶
天雞一聲金闕啓龍顏有喜常先覩顧我愚疎憂患集
病骨峻嶒蒸溽暑興來懷舊倚長歌星星兩鬢絲千縷

潛溪圖為宋景濂題

金華山水天下希潛溪龍門尤絕奇羣峯峻極河漢上
一峯獨立芙蓉陂先生結廬在其下文追班揚兼賈馬

欽定四庫全書

御選明詩
卷三十六

遂令此山增壯觀野有樸樛皆梧檟上清道士方方壺
乘興為作潛溪圖丹崖翠麓神仙居東望日出樹如蘇
溪流穿林還度谷十里一達五里伏龍湫吐景生白虹
藤蘿振雨松呼風却憶往時清夜月帝女乘雲下天闕
鐘鏞鏗鉤簫鼓發霓裳羽衣飄滅沒初平騎羊前啓行
長髯鬚鬚飛玉霜秦娥吹笙玄鶴舞牽牛河鼓凝寒芒
相思迢迢頻入夢夢駕兩鸞從一鳳覺來毛髮猶爽淅
目送征鴻度空碧山有蔬水有魚幽澗有泉清可料何

時上疏乞骸骨寄聲先遣雙飛鳧

枯樹圖

道傍古樹身半枯白蟻穴根蟲穴膚風摧雨撼霜雪凍
斷石皜皜無人扶憶昔勾芒肇初政百卉騰達隨呵噓
新柯荏苒舊柯壯霧露膏沐光如濡黃鸝翡翠語嬌滑
桑扈戴勝鳴相呼白鶴來巢鹿止蔭匠石愕睨爭歎譽
寧知憂患生旦夕野火倏忽起不虞燎原烈焰難嚮邇
孰問柞櫟杉與櫟枝燔葉燼根半赤朽腐瞞液非時須

欽定四庫全書

御選明詩
卷三十六

山林搖落歲方晏聊以薜荔為衣袂嗚呼廣厦棟梁具
委棄草莽同新芻皇天未必替生意更盼玉燭回暘烏

寄江西黃伯善兄弟

我思美人乃在洞庭之陽彭蠡之陰衝波亘天三百里
離恨比之應更深揚瀾咆哮左蠡怒白日慘慘玄猿吟
欲往從之憤余心龜鼃黿黿不可以駕風撻撻兮雨淫
淫望厭原之飛煙邈匡廬之高岑虹旌兮翠羽昌容兮
鳳皇舞葭衣兮蒞襟玉笙吹兮紫鸞音望不見兮悲莫

任

陳彥德以畫見贈詩以酬之

君不見昔日米南宮又不見今時趙學士能將翰墨爭
鬼工天下流傳名父子枯蒼處士身姓陳小郎英俊尤
可人欲收大地入掌握筆意所到如有神曉移小幅來
贈我紅日滿窗花婀娜開軒展視心眼寬如在岳陽樓
上坐湖波吹煙入遠山君山乃在湖中間蒼梧九疑隔
湘浦孤雲目斷幽篁斑漁舟一葉來何處巫峽雨昏啼
欽定四庫全書
御選明詩
卷三十六
十
鳩暮澤畔行人久不歸沙上輕鷗自飛去陳公子聽我
歌深林大谷龍蛇多蓬萊三島可避世欲往其奈風濤
何

宋濂

秋夜與子充論文退而賦詩一首因簡子充并
寄胡教授仲申

太虛之氣隨物形天聲地聲由此生小或簸盪吼河海
大將觸搏流風霆天輪膠戾神鬼戰地軸挺拔蛟龍爭

園白洼汙各異奏影沙磬石咸齋鳴靈功闔闔司至理
于喁徐疾緣天成孰言塊圪妙不測兩間可配人為靈
戴首載跌上下位布藏列府山河紫肺為金官號鐘磬
發聲聲氣從孩嬰自茲人音極萬變出無入有誠難名
啞啞叱咤洩忿懷歡呼號數攄幽情吻呀喉舌審清濁
徵羽宮商分重輕殊方雖假象胥譯至道不與人偽并
尼丘降神繼羣聖因聲為教文諸經研窮陽陰序政事
吟咏情性臻和平節文嚴謹名分正假象植義昭天明
欽定四庫全書
御選明詩
卷三十六
十二
玄景無言聖人代建中立極綏羣萌奠安海嶽使效職
洗摩日月開重冥籟鳴機動孚應速風聲所被來頻仍
宋齊魯衛既霧滂蔡陳秦楚尤雲蒸樛嶠真腴造閭奧
觝排卑論歸崇欲太和融盡沾丐物無疵癘玄休凝
杏壇迹蕪鐸聲遠人鑿私智爭先登鈎籍捫闔勢傾軋
堅白同異時輟較黃老玄虛涉溟滓刑名慘覈紛嶢嶸
九家狂流不可遏絕港強欲齊東瀛固云偏謚或害教
尚騁所學為驍騰狂秦以降逮劉氏不翅枯響隨風行

黃茅白葦隨一色編貝聯珠誇九能班揚枚馬亦豪雋
竟溺下俗高難升六代駢枝與儷葉氣漸辭類猶驕矜
更唐厯宋非不盛律之六藝終難勝要知聲華有衰歇
以致學步多矜辨人文本為載道具次則紀事垂千齡
雖其功用霄壤隔不應澗水非淵冰璽書播告出丹鳳
兵檄馳布飛紅星金匱石室董狐筆戎功駿烈燕然銘
入室登歌侑廟樂徇師能擔宣牲盟章疏補天非鍊石
談辯保國踰長城霑潤自足配雲雨和協更可同簫笙

欽定四庫全書

御選明詩

卷三十六

十三

當其操觚欲鼓勇收視返聽探玄精游魚中鈎曳深沈
鉅獸投奔離叢坳斯須朝崖變夕谷怵怩西海為東陵
精神所至萬物懾索篇亭毒縱復橫真醇魯邦見郢鼎
冲雅高辛陳五謫渾圓牘應振逸響緝麗鵠崔杭文翎
嚴森五刑布秋肅華澗百卉含春榮勁如韓彭將貔虎
仰揭斗柄麾欃槍豔如長楊較羽獵蒙盾負羽驅鸞旌
高排霄漢跨箕尾呼噲沆瀣游太清未幾直墜九淵底
察之無跡聞無聲幽入陰宮作鬼語祕怪詭難為聽

剗然大明赤于火景曜所鑠流為瓊似茲妙韓造化軸
可以小技相譏評金石雖堅有銷泐文光亘古常晶瑩
但憂拙工不知變欲就郊衢施鼎銅揖讓周還固有節
其如縣絕非法程予從卅角業文史意逞驍悍推強勅
上師姬孔為察父下視遷固猶諸兄嬰弓射侯在正鵠
路馬在御懸游纓溫溫膩紋蟠結綠燦燦寒電生青萍
有時擣辭迷帝霸捷如屋上人建瓴注空直瀉絕留礙
不似潢潦為泓渟應知敦本乃末豔且咤彪外由中彌

欽定四庫全書

御選明詩

卷三十六

十三

年來懲文劇芒刺流汗浹背顏交頰如何竄身伏槁壤
乃能抗志凌霄崢闕宮清廟須巨木梁葩楚豔徒微馨
譬之出聲有鉅細大塊噫氣真鏗鉤蛙鳴蟬噪雜鼓吹
入耳惟覺成嚶嚶天人之間或有愧何異冠服蒙狸狌
遙江上月素珠吐嘉樹弄景癡龍擎維時萬籟一時寂
耿耿銀河涵玉繩華川先生起我懶褰衣踏月行空庭
揚令推古益慷慨抽關啓鑰成櫻寧先生文章正用世
殷盤周誥方爭衡知深固慊管鮑淺交固未數金石貞

念斯輾轉不成寐吟聲在吻號蒼蠅酸寒固或類貞曜
跡弛未必卑韓翃故人守官在姑蔑學林老虎文淵鯨
三年不見志紆鬱夢魂時逐晨風征何時共宿若今夕
重把肝膽殷勤傾

畫山水圖

遠山刷翠宮眉彎一江橫遶羅帶環沙磯互作犬牙入
水痕初落猶斑斑漁舟三兩自何處後先撐出蘆花灣
解網得魚長尺半沽酒踏破荒煙酸西南冥茫見樓閣

欽定四庫全書

御定明詩
卷三十六

十四

朱碧隱現青雲端不知神仙何洞府但見白道屈折蛟
蛇蟠月明如霜夜將午定有笙鶴來瑤壇松間醉坐誰
氏子羊裘授屨逍遙冠豈非東蒙山中舊隱士面目猶
帶河朔風塵頑黃庭嬾讀尚銜袖仰視松葉秋翻翻我
生素有山水癖向之不覺開心顏恍如西上黔川灘臥
聽灘水流潺湲又如東對仙華山青天飛下千巔岼巖
雪藏陰凝太素竇泉濺沫排空寒便將此地窮天慳青
鞋布襪恒躋攀蓮花五色猶未吐晝明夜照如神丹人

言絕頂有風穴高入蒼莽天曼曼天曼曼兮氣盤盤融
作玉瀣從空溥服之龜鶴共長久一任人窠日月雙跳
九白苔為我梳仙鬢雙成為我開瓊關吁嗟乎吾將終
老山之間吁嗟乎吾將終老山之間

題李太白觀瀑布圖

長庚煜燿天之章精英下化為酒狂匡廬五老森開張
銀河萬丈掛石梁下馬傲睨立欲僵併肩袖手神揚揚
憶昔開元朝上皇宮中賜食七寶牀淋漓醉墨蛟龍襄

欽定四庫全書

御定明詩
卷三十六

十五

人疑錦繡為肝腸麾斥力士如犬羊營營青蠅集于房
金鑾不復承龍光并州可識郭汾陽不可丹陽逢永王
大風吹沙日為黃後狔哀啼聞夜郎蒼天欲使詩道昌
頓挫萬物歸奚囊何處更覓延年方北海天師八尺長
芙蓉作冠雲為裳授以蕊笈青琳琅蓬萊屹起瀛海洋
羣仙遲汝相徊翔誰將粉墨圖縑緙顧我一見心悵悵
詩成仰視天蒼茫夜半太白生寒芒

陶安

至正戊子下第南歸與同貢黃章仲珣雷燧景

陽同舟仲珣賦詩因走筆次韻

鳳城酒美燕姬歌禁花紅飄金水河雨香翠島春晝暖
魚龍陸海揚風波天門咫尺到不得奈此颺摧雲翼何
時乎未至應有待壯年不必傷蹉跎君看松柏成大材
歷歲雪霜誰見過拂衣南出指歸路回首京闕山嵯峨
日高原頭紅霧散潮平沽口青銅磨牽船泝流狂吹逆
登車避閭飛塵多黃樓憑河遠眺望身如冥鴻起網羅
欽定四庫全書
御選明詩
卷三十六
十六

客塗笑語浣羈思詞鋒捷出如揮戈天生人才必用世
豈無文藻宣金科鸞臺鳳閣總華要不然玉署聯鳴珂
丈夫小挫未為辱正氣耿耿非有它匣中古硯助神變
銅蟾飽水手屢摩隨身亦有勲業鏡依然照我顏色酡
與君今日動高興買酒共酌澆天和

五月旦日與黃仲珣雷景陽酌於維揚抵暮出
城曉至瓜洲有懷同貢金景蘭姚仲誠周于一
林元凱相約不至更次韻為別以寄拳拳之餘

意

蕩舟竹西聞好歌飄如仙槎泛銀河青樓傍市捲珠箔
舞裾綠皺如春波香消紅藥采鸞去其如青鏡寂寞何
金盤露清筍牙白小住半日非蹉跎雪乳泉甘醒午醉
瓊花霧散與客過吹簫玉人杳然逝橋亭拂柳空栽栽
櫓聲帶晚出城去初月光吐新鐮磨梅天雨歇黃潦漲
瓜洲渡近青山多我懷初歸有髦士金姚學富精蒐羅
閩南周林師友盛未見入室操吾戈賦妙能追司馬聖
欽定四庫全書
御選明詩
卷三十六
十七

廣陵楊節婦

堂上舅姑嗟老苦膝下兒啼未能語孤鸞何心鏡中舞
綠鬢年方二十五甘旨供餘勤鞠撫舅姑歡顏兒飽乳
誓有一心無二主本欲同歸九原土手拋粉黛獨紉組

燈照空幃淚如雨，棲居守義能自許。觸目艱難不憂沮，夫天寥闊幾寒暑。兒有文章輝藻黼，竹西綺羅炫荀午。翠箔珠簾闌嬌嫵，五方雜俗日殊古。貞烈無聞世何補，斯人秉德天賦予。乃以三從鵠肺腑，春官旌名真盛舉。共看光采生門戶，丈夫明理蹈規矩。鬚眉蒼蒼本翹楚，為臣不幸遭險阻。忠國立身當審處，爵祿才猷輕一羽。大節或虧何足取，嗚呼大節或虧何足取。不及閨中賢婦女

欽定四庫全書

御選明詩
卷三十六

送庸田僉事

庸田使者乘輅車，閱得太史河渠書。姚江農民西引領，庶幾來此我其蘇。傷心今歲夏秋月，甘雨不降禾苗枯。海潮東西救不得，老稚無異涸轍魚。曩從官軍過州境，編戶奔走頻供需。計畝斂錢築城去，役繁未見民力紓。正逢稔歲亦飢餒，遭此乾暵窘室廬。往年有詔甚寬厚，恩澤至今流海隅。既蠲湖田主戶米，亦減水深長蕩租。皇華光臨浙江左，忍視瘡痍無完膚。曉霜方嚴問道路

冬雨未霽行泥塗，我願歲豐水旱無。公賦早輸私有儲，國家富足民歡娛。且免使者勤馳驅

紀事

壬寅十月初五日陰雨停雲天未夕，江城暖氣驟蒸人。蟬翼綃裳汗沾濕，輕雷數聲生變化。火氣轟山雷電赤，長颺西來吹海立。飛雨驚鳴建瓴急，勢如萬騎怒衝擊。對面相呼聽不得，掩關漸是一更時。爍眼金虬破昏黑，蓮花碧礎迸出泉。官市波濤湧三尺，方當閉塞蟄蟲俯

欽定四庫全書

御選明詩
卷三十六

頓駭龍蛇離窟宅，怪得秋來未降霜。無乃天時有差忒，陽氣至此本潛藏。發泄深機不能密，或占水旱在來年。消弭災異當修德，須臾河漢現疎星。天地無聲本來寂，小窗獨坐對殘燈。尚有寒蛩語空壁

王禕

白翎雀圖

白翎雀雪作翎，羣呼旅食啁嘶鳴。何人翻作弦上聲，傳與江南士女聽。南人聽聲未識形，畫師更與圖丹青。圖

丹青一何似知爾之生何處是秋高口子草如雲風勁
腦兒沙似水

二月望在鞏昌客館夜夢歸里中與金十二丈

傳九文學同游高五處士別業既覺有感而賦

東風解凍春二月東還隴西住吾轍中宵好月入窗明
孤館殊花應時發慷慨既罷倚醉眠夢裏迢迢返東浙
我家住在縣烏傷奕世衣冠紹先烈青巖之下華州湄
古木脩篁蔭門閨里中朋友不數人總角交游到華髮

欽定四庫全書

御選明詩
卷三十六

二十

金丈雖老文益昌傳子方強氣難遏縣南高叟故所居
別墅新營最幽絕大田多稼廩不虛華屋有軒席常設
自余便道過家時三載于今成闊別今日何日乃盍簪
固應舊好三生結竹林藤簟坐崢嶸橘還梅溪行楚覽
篇章雜還詩句哦盤饌紛紜酒盃啜既誇答客語成狂
頗憐哭子言猶噓儼然相對如平生抵掌論心盡歡悅
寒鐘驚覺頗無聊一點青燈自陰減倍思故隱只山中
却歎浮蹤向天末嗟我文章非古人虛名在世真叨竊

一從竊陞到鑾坡久侍清光入金闕每多杜甫能自期
許身欲比稷與禹政圖事主盡愚疎豈意謀身轉迂拙

肅將使指往西垂迢遰山河重跋涉嚴風裂面沙眯眸
冰髯霜鬢莖莖折瘦馬衝寒不自禁狐帽貂裘仍狗襪
得非博望泛星槎無乃中郎持漢節道塗梗塞竟莫通
使事還須遂中輟歸報吾君扣九重天顏咫尺容趨謁
儻矜弱質賜恩光便向明時乞骸骨慈母手線猶滿衣
先人遺書故盈篋鑑湖一曲非所望家山自可采薇蕨

欽定四庫全書

御選明詩
卷三十六

二十一

十一月十日宿陳敬初館中臨別有作

歲十一月當嚴冬江湖水落潛蛟龍蕭條長塗客旅散
而我買棹過吳淞茲行豈為飢餓逼念子高誼來相從
托交同門已十載蒙被教益開愚惇時時彼此互有激
譬持寸莛撞巨鐘姑蘇臺前攬秋色麗正門外尋春容
中間欣戚每相繫要復終始猶駑蛩一自去春與子別
旌旗滿眼紛橫縱及茲相見恍如夢中夜論議披心胃
君言祿爵非所願但願擊壤歌時雍却因文章著不朽

韜晦養粹甘為農顧我所願頗異子謂欲與世相奔衝
黃金鑄印錦懸綬時至未敢辭侯封丈夫出處雖二致
非係愚拙由乖逢得意缺望亦常事所貴自寶如璜琮
計長較短語輒久坐聽曙鼓聲瑟瑟人生會合良不易
奈此物役相牽攻君留仍泛越來水我去猶對金華封
區區離別不足惜且復醉子雙尊醲郊期自附提籍輩
此事遠矣須追蹤

夏煜

欽定四庫全書

御選明詩
卷三十六

讀宋太史潛溪集

混沌初判太素斲挺生神人斷鼇膊剖乾割坤奠海嶽
厥俗鴻荒人未覺帝命圖書出河洛奇耦生畫參伍錯
煥乎斯文此其璞二三啓運乘飛躍典謨訓誥雅頌作
黍離以降周室削天將尼父為木鐸乃芟詩書定禮樂
乃作春秋明善惡包羅萬象歸一勺放彌六合卷諸橐
七十二子相唯諾才出中州氣渾朴及漢史記變矩矱
西京雄健東差弱建安馬上詩橫梁其音稍振氣已駭

晉更六代轉銷鑠唐包九有復充斥至宋諸子雄相搆
廬陵崛起超卓躐道州獨立承絕學後出新安最宏博
有元將相皆沙漠往往南士登館閣從此斗牛氣磅礴
乃挺奇才海東角蚤年脫穎何落魄貫穿經史探韜畧
出入佛老搜冥漠鯨跳鼇抃鬪蛟鱷不持寸鐵徒手縛
大弨射日孰能殲長劒倚天誰敢斫是乃浩然之氣擴
簸弄元化筆在握星辰迸空如石落剛風立海大雨雹
湧湍疊躍濤怒搏百怪倏忽光揮霍矯若魚龍舞淺濤
蔚若虎豹跳岑岑飄若孤飛駕黃鶴勁若百鷲出玄鶚
鉤鏗大音振咸濩赫奕雄芒射干鏤迫而察之吁可愕
注如懸河思不涸大田五穀當秋穫武庫衆寶開晨鏞
左右而取非外攫遂造平坦鏗磬确淙淙安流宗大壑
上尊玄酒殊澹泊東序天球匪雕琢自然光燄發葩萼
我時訪君即命酌春風葡萄酒醲酥酪雪夜釅餚擁鼉鼉
招月與友相酬酢月入尊中明可捉漱嚙醲郁棄糟粕
此時豪縱脫矰繳吐奇挾怪安可約有烏如火天井絡

欽定四庫全書

御選明詩
卷三十六

掃除旬始銷格澤金篦刮目割翳膜郢斤斲鼻揮漫聖
妙處神會不可度而我旁觀駭且忤如遇仙人授金藥
一食生羽脫塵殼願為弟子請奇著先生忘言只大噓
余亦斂衽逡巡却如此筆力扛鼎鏊不遇明主將焉泊
聘以束帛加雙珏幅巾大布起林薄奏賦上林從楊柞
豈比執戟甘寂寞天王手按龍泉鏐大振天聲重開拓
勢若新篁解春籜用爾圖像為丹牘用爾作樂為蕭篇
銘功頌德軒寥廓日光月潔江漢濯前驅班馬鞭六駿
欽定四庫全書

御選明詩

卷三十六

四

後駕歐蘇驂兩駱千載而下宛如昨碌碌餘子徒齷齪
傑哉先生果何若微子之裔散人託景濂其字大夫爵
我作狂歌非用謔投以木瓜報芍藥

蘇伯衡

送曹叔溫赴淮安幕

初我識君自三山面如白玉紅頰顴平明振佩入烏府
行人指點人中仙此身萍梗隨流轉淮水東西數相見
時清事簡百不憂卮酒篇詩恣歡宴自從煙霧霾江湖

將軍無復能齊驅春鶯秋月兩寂寞尺素斷絕心煩紆
今古江南佳麗地龍虎戴瞻天子氣萋萋束帛賁丘園
濟濟衣冠若鱗萃東華邂逅式相逢蕭騷短髮驚成翁
青衫依舊陪驄馬風雨徒步追羣公過從更說舊游好
舊游著處生芳草沈約樓前杜宇啼西施陂上芙蓉老
京城官釀斗四千交歡安得青銅錢三嗅落花共一噓
浩歌白石看青天盍簪方喜慰疇曩慘別那堪增養養
寒潮浩蕩足秋霖木落江空欲何往紅蓮綠幕依黃堂

欽定四庫全書

御選明詩

卷三十六

三十五

駕言擊楫趨山陽君才有用仍小試干將百鍊須善藏
幾年爭戰今休息髑髏模糊土花碧韓信祖逖安在哉
但見長淮搖落日世途反覆如浮雲人生離合矧可云
天皇盛德同華勛肯使獨鶴終雞羣

郭熙關山雪霽圖

昔我北遊月在襍兼旬犯雪度雄霸千里萬里皆瑤琨
高迷丘垤低迷罅朔風烈烈塵不驚中野蕭條但桑柘
僕夫股慄面削瓜身上破褐纔掩骼長途日暮行不前

回顧堪憐那忍罵前車既斷後車絕停驂獨宿道旁舍
牀頭土鏹鬱生新村酒沽來敢論價臥聽樵馬斃枯荻
展轉無眠疑不夜忽然朝光入甕牖主僕瞥見互驚訝
攬衣匆匆便蓐食如此晴明喜天借可辭趁暖即前程
翦拂蹇驢還自跨蘆溝凍合足練橫徑度不用脩梁架
西山馬首遙相迎拔起人言似嵩華瓊樓玉宇忽照眼
行行已到南關下時清關吏殊可人不復誰何乃邀迓
過關使客多於簇或挽柴車或高駕閒情我正繞剡溪

欽定四庫全書

御選明詩
卷三十六

三十六

吟思誰歟似清灞道逢軒蓋何其都駿馬雕鞍蒙錦帕
銀盆熾炭蠟光燃面面檐帷行酒商徒御續紛意氣麤
錯金釧具青絲鞵行人不解說姓名但說無非國姻婭
狐裘貂帽詎知寒馳驅爭入柳林射當時有意欲賦之
計吏相煎嗟不暇鶯花窈窕江南春風景依依在圖畫

贈徐季子

百金不惜市梃鞭兩耳不解聽朱絃人情如此亦何以
我每見之獨慨然夫君懷寶起浙右掉鞅觀光來日邊

夙學人言破萬卷新製我喜窺幾編金莖玉露足秋爽
林花澗草爭春妍紛紛牛毛豈不多振振麟角爾固專
摘藻詞垣翻舍置採芹鄉泮仍留連所好者芋鼓者瑟
猶枘以方鑿以圓陳平丰姿若冠玉鄧生辯口若河懸
禮意殷勤日三接華貫敷歷歲九遷由來利鈍係遭遇
未必愚智殊天淵樂育菁莪亦已重況乃桑梓敢不虔
去國不賦北門什還家徑上東吳船大材小試吾竊歎
冷官不厭子乃賢寥予閱世倏四十守官太學垂五年

欽定四庫全書

御選明詩
卷三十六

三十六

包羞待問成倚席畢景兀坐寒無羶勲業空期螳附驥
俯仰却笑蔓憐蛇彼哉浮榮勿復道歸歟樂事言難宣
會稽雲門最幽絕鑑湖剡水交漪連玄猿嘯呼山近屋
白鳥明滅江吞天雲間往往得靈藥月下時時聞采蓮
多暇應為曲水會乘閒便作東山眠村翁溪友總愛客
薇芽蓴菜不計錢酒酣更斫銀絲鱸章就還酒蟬翼戔
並遊只許鐵冠子同載應懷玉局仙願言留榻以相待
一曲擬乞君王前